

Vaofisiri va Khasitomo va SARS eka mphutumo wa khokheyini ya nkoka wa R25 million

Tshwane, 11 Nhlangua 2024 – Vaofisiri va Khasitomo va Vukorhokeri bya Xibalo bya Afrika-Dzonga (SARS) va vhumunurile 47 wa switina swa khokheyini leyi kamanyetiweke, leyi nga na nkoka wa le xitarateni lowu pimanyetiweke eka R25 million eRivaleni ra Swihahampfhuka ra Misava ra OR Tambo mpundzu wa namuntlha.

Switina swa khokheyini leswi tikeke kwalomuya ka 50 kg, a swi pakiwile ebekeni ya ndzhwalo leyi voniweke hi vaofisiri va Khasitomo na vuhlayiseki bya rivala ra swihahampfhuka mpundzu lowu eka kharawuzele ya rendzo ra xihahampfhuka ro suka eSao Paolo, Brazil no kongoma eKinshasa eDemocratic Republic of the Congo (DRC).

Vaofisiri va Khasitomo va SARS va kamberile beke ya ndzhwalo no vona michumu leyi langutekaka yi ehlekelerisa ebekeni. Michumu leyi yikamberiwile no kumeka yi ri na nakhotiki. A ku nga ri na vakhandziyi lava a va helekete beke naswona a ku na mikhomo leyi endliweke. Vukorhokeri bya Maphorisa bya Afrika-Dzonga (SAPS) sweswi byi ta lavisisa mhaka endzhakukaloko hinkwaswo swi nyiketiwile eka vona.

Sao Paolo eBrazil i ndhawu ya nxungeto lowukulu wo sukela eka wona wa vafambisi va swidzidziharisi, nhundzu leyi heleketiweke ku katsa na leyi nga heleketiwangiki leyi nga na khokheyini. Ku vi le na miphutumo yo hlaya ya vafambisi va swidzidziharisi eORTIA emavhikini ma sweswinyana.

Khomixinara wa SARS Edward Kieswetter u lemukisile lava nghenelelaka eka ngungumeriso wa swidzidziharisi leswaku endlelo ra le xikarhi ka tiejensi ri le ku simekiweni leswaku va ta tihlamulela. Khasitomo ya SARS, Vulawuri bya Vurhangeri bya Mindzilekani, Airports Company, SAPS na Ndzawulo ya Timhaka ta Xikaya a va tirha ku sirhelela vaaki eka ntungu wa swa nakhotiki. U vurile leswaku "Endlelo leri ra marhavinyingi ri na mbuyelo wo vonaka lowu kombisiweke hi mikhomo na mitekelo sweswinyana. Hi ku tirhisa swiendlo leswi, hi le ku sirheleleni ka rihanyu ra vaaki wa hina, ngopfungopfu vantshwa lava va nga vumundzuku bya hina," ku vurile Khomixinara wa SARS.

Mayelana vuxokoxoko hi xitalo tihlanganise na sarsmedia@sars.gov.za.